

佛道品第八

(一) 非道佛道

爾時，文殊師利問維摩詰言：「菩薩云何通達佛道？」

維摩詰言：「若菩薩行於非道，是為通達佛道。」

又問：「云何菩薩行於非道？」

答曰：「

- ① 若菩薩行五無間，而無惱恚；
- ② 至於地獄，無諸罪垢；
- ③ 至於畜生，無有無明憍慢等過；
- ④ 至於餓鬼，而具足功德；
- ⑤ 行色、無色界道，不以為勝。
- ⑥ 示行貪欲，離諸染著；
- ⑦ 示行嗔恚，於諸眾生，無有恚礙；
- ⑧ 示行愚癡，而以智慧，調伏其心。
- ⑨ 示行慳貪，而捨內外所有，不惜身命；
- ⑩ 示行毀禁，而安住淨戒，乃至小罪，猶懷大懼；
- ⑪ 示行嗔恚，而常慈忍；
- ⑫ 示行懈怠，而勤修功德；
- ⑬ 示行亂意，而常念定；
- ⑭ 示行愚癡，而通達世間、出世間慧；
- ⑮ 示行諂偽，而善方便，隨諸經義；
- ⑯ 示行憍慢，而於眾生，猶如橋樑；
- ⑰ 示行諸煩惱，而心常清淨；
- ⑱ 示入於魔，而順佛智慧，不隨他教；
- ⑲ 示入聲聞，而為眾生，說未聞法；
- ⑳ 示入辟支佛，而成就大悲，教化眾生；
- ㉑ 示入貧窮，而有寶手，功德無盡；
- ㉒ 示入形殘，而具諸相好，以自莊嚴；
- ㉓ 示入下賤，而生佛種性中，具諸功德；
- ㉔ 示入羸劣醜陋，而得那羅延身，一切眾生之所樂見；
- ㉕ 示入老病，而永斷病根，超越死畏；
- ㉖ 示有資生，而恒觀無常，實無所貪；
- ㉗ 示有妻妾娼女，而常遠離五欲淤泥；
- ㉘ 現於訥鈍，而成就辯才，總持無失；
- ㉙ 示入邪濟，而以正濟，度諸眾生；
- ㉚ 現遍入諸道，而斷其因緣；
- ㉛ 現於涅槃，而不斷生死。

文殊師利！菩薩能如是行於非道，是為通達佛道。」

(二) 成佛種子

於是，維摩詰問文殊師利：「何等為如來種？」			
文殊師利言：「	<ul style="list-style-type: none"> ① 有身為種， ② 無明有愛為種， ③ 貪恚癡為種， ④ 四顛倒為種， ⑤ 五蓋為種， ⑥ 六入為種， ⑦ 七識處為種， ⑧ 八邪法為種， ⑨ 九惱處為種， ⑩ 十不善道為種。 	以要言之，六十二見及一切煩惱，皆為佛種。」	
<p>曰：「何謂也？」</p> <p>答曰：「若見無為入正位者，不能復發阿耨多羅三藐三菩提心。」</p>	<ul style="list-style-type: none"> ① 譬如高原陸地，不生蓮華；卑濕淤泥，乃生此華。如是，見無為法入正位者，終不復能生於佛法；煩惱泥中，乃有眾生起佛法耳！ ② 又如植種於空，終不得生！糞壤之地，乃能滋茂。如是，入無為正位者，不生佛法；起於我見，如須彌山，猶能發於阿耨多羅三藐三菩提心，生佛法矣！ 	是故當知：一切煩惱為如來種。譬如不下巨海，不能得無價寶珠；如是，不入煩惱大海，則不能得一切智寶。」	
爾時，大迦葉歎言：「善哉！善哉！文殊師利！快說此語。誠如所言，塵勞之儔，為如來種；我等今者，不復堪任發阿耨多羅三藐三菩提心；乃至五無間罪，猶能發意生於佛法，而今我等永不能發！」	譬如根敗之士，其於五欲不能復利；如是，聲聞諸結斷者，於佛法中無所復益，永不志願。	是故，文殊師利！	凡夫於佛法有反復，而聲聞無也。
所以者何？	凡夫聞佛法，能起無上道心，不斷三寶；正使聲聞終身聞佛法，力、無畏等，永不能發無上道意。」		

(三) 維摩家業

爾時，會中有菩薩，名普現色身，問維摩詰言：「居士！父母妻子，親戚眷屬，吏民知識，悉為是誰？奴婢僮僕，象馬車乘，皆何所在？」

於是，
維摩詰
以偈答
曰：「

- | | | | |
|---------|-------|-------|-------|
| ① 智度菩薩母 | 方便以為父 | 一切眾導師 | 無不由是生 |
| ② 法喜以為妻 | 慈悲心為女 | 善心誠實男 | 畢竟空寂舍 |
| ③ 弟子眾塵勞 | 隨意之所轉 | 道品善知識 | 由是成正覺 |
| ④ 諸度法等侶 | 四攝眾妓女 | 歌詠誦法言 | 以此為音樂 |
| ⑤ 總持之園苑 | 無漏法林樹 | 覺意淨妙華 | 解脫智慧果 |
| ⑥ 八解之浴池 | 定水湛然滿 | 布以七淨華 | 浴此無垢人 |
| ⑦ 象馬五通馳 | 大乘以為車 | 調禦以一心 | 游於八正路 |
| ⑧ 相具以嚴容 | 眾好飾其姿 | 慚愧之上服 | 深心為華鬘 |
| ⑨ 富有七財寶 | 教授以滋息 | 如所說修行 | 回向為大利 |
| ⑩ 四禪為床座 | 從於淨命生 | 多聞增智慧 | 以為自覺音 |
| ⑪ 甘露法之食 | 解脫味為漿 | 淨心以澡浴 | 戒品為塗香 |
| ⑫ 摧滅煩惱賊 | 勇健無能踰 | 降伏四種魔 | 勝旛建道場 |
| ⑬ 雖知無起滅 | 示彼故有生 | 悉現諸國土 | 如日無不見 |
| ⑭ 供養於十方 | 無量億如來 | 諸佛及己身 | 無有分別想 |
| ⑮ 雖知諸佛國 | 及與眾生空 | 而常修淨土 | 教化於群生 |
| ⑯ 諸有眾生類 | 形聲及威儀 | 無畏力菩薩 | 一時能盡現 |
| ⑰ 覺知眾魔事 | 而示隨其行 | 以善方便智 | 隨意皆能現 |
| ⑱ 或示老病死 | 成就諸群生 | 了知如幻化 | 通達無有礙 |
| ⑲ 或現劫盡燒 | 天地皆洞然 | 眾人有常想 | 照令知無常 |
| ⑳ 無數億眾生 | 俱來請菩薩 | 一時到其舍 | 化令向佛道 |
| ㉑ 經書禁咒術 | 工巧諸技藝 | 盡現行此事 | 饒益諸群生 |
| ㉒ 世間眾道法 | 悉於中出家 | 因以解人惑 | 而不墮邪見 |

- | | | | | |
|---|-------|-------|-------|--------|
| ⑳ | 或作日月天 | 梵王世界主 | 或時作地水 | 或復作風火 |
| ㉑ | 劫中有疾疫 | 現作諸藥草 | 若有服之者 | 除病消眾毒 |
| ㉒ | 劫中有饑饉 | 現身作飲食 | 先救彼饑渴 | 卻以法語人 |
| ㉓ | 劫中有刀兵 | 為之起慈悲 | 化彼諸眾生 | 令住無諍地 |
| ㉔ | 若有大戰陣 | 立之以等力 | 菩薩現威勢 | 降伏使和安 |
| ㉕ | 一切國土中 | 諸有地獄處 | 輒往到於彼 | 勉濟其苦惱 |
| ㉖ | 一切國土中 | 畜生相食啖 | 皆現生於彼 | 為之作利益 |
| ㉗ | 示受於五欲 | 亦復現行禪 | 令魔心憤亂 | 不能得其便 |
| ㉘ | 火中生蓮華 | 是可謂稀有 | 在欲而行禪 | 稀有亦如是 |
| ㉙ | 或現作淫女 | 引諸好色者 | 先以欲鉤牽 | 後令入佛智 |
| ㉚ | 或為邑中主 | 或作商人導 | 國師及大臣 | 以祐利眾生 |
| ㉛ | 諸有貧窮者 | 現作無盡藏 | 因以勸導之 | 令發菩提心 |
| ㉜ | 我心憍慢者 | 為現大力士 | 消伏諸貢高 | 令住無上道 |
| ㉝ | 其有恐懼眾 | 居前而慰安 | 先施以無畏 | 後令發道心 |
| ㉞ | 或現離淫欲 | 為五通仙人 | 開導諸群生 | 令住戒忍慈 |
| ㉟ | 見須供事者 | 現為作僮僕 | 既悅可其意 | 乃發以道心 |
| ㊱ | 隨彼之所須 | 得入於佛道 | 以善方便力 | 皆能給足之 |
| ㊲ | 如是道無量 | 所行無有涯 | 智慧無邊際 | 度脫無數眾 |
| ㊳ | 假令一切佛 | 於無數億劫 | 讚歎其功德 | 猶尚不能盡 |
| ㊴ | 誰聞如是法 | 不發菩提心 | 除彼不肖人 | 癡冥無智者」 |